

HĀUNIUNI MA PĀLOTA. E FAIGŌFIE E VE KO TE 123.

Ko he tauhaga o te faigā pālota tēnei – e maua ai e koe te avanoa ke fakailoa ai tō lagona pe ko ai te ka pūlea te atunuku, ma te itūkāiga hihitemu pālota e fakaaogā e ki tātou, ke filifili ai nā hui ki te Palemene, i te lumanaki. Ko te faiga o tau pālota, e faigōfie. Nā ko te mulimuli lava ki nā hitepu iēnei e tolu.



LEHITALA LOA NEI KE MAFAI AI KOE KE PĀLOTA!

E TATAU KOE KE LEHITALA PE KĀFAI KO KOE:

- Ko he hitiheni Niu Hila pe ko he tino nofo tūmau; ma
- Kua 18 ō tauhaga pe matua atu; ma
- Kua kātoa te tauhaga pe hili atu, e nofo ai pea lava koe i Niu Hila.

KO TE FAIGA O TAU LEHITALA, E FAIGŌFIE. NĀ KO TE FAKATUMU LAVA O HE PEPA LEHITALA. KAUMAI LOA NEI HAU PEPA LEHITALA:

- Text e hēai he todogi te igoa ma te tuātuhi o koe ki te 3676
- Ahiahi ki te www.elections.org.nz pe ki te www.ivotenz.org.nz
- Telefoni e hēai he todogi ki te 0800 36 76 56
- Ahiahi ki ho he PostShop

Nahe tukua ki te taimi mulimuli lele. Lehitala loa nei, ma ka faigōfie atu ai te faiga o tau pālota kāfai e pa mai te aho o te pālota.

Kāfai kua hui tō tuātuhi, e tatau ke fakahako nā fakamatalaga e uiga kia te koe, e ala i te toe lehitala o koe.



KO TE FAIGA O TAU PĀLOTA, E FAIGŌFIE

KAVE TAU EASYVOTE CARD KĀFAI KOE E FANO OI FAI TAU PĀLOTA. KA FAIGŌFIE ATU AI TE FAIGA O TAU PĀLOTA.

Ka maua atu i te meli he EasyVote card ma he pekete e i loto ai nā fakamatalaga mo koe, pe kāfai koe e lehitala ka ko heki tāpunia te lehitala (i he māhina ka ko hēki faia te pālota).

Kāfai e hēai hau EasyVote card, e mafai lava koe ke pālota.

I te aho o te faigā pālota, ka i ei he fale e fai ai nā pālota, e pili atu ki te mea e nofo ai koe.

E mafai ke fai tau pālota ka ko hēki pa ki te aho o te faigā pālota, pe kāfai e hē mafai ke fano koe ki he mea e fai te pālota i loto o tō itūmālō pālota, i te aho o te faigā pālota.

KA AVANOA TE KAUFĀIGĀLUEGA FAI PĀLOTA, KE FEHOAHOANI ATU PE KĀFAI E MANAKOMIA E KOE, PE KAVE HE UŌ PE HE TINO O TŌ KĀIGA KE OLO KOULUA.



KĀFAI E FAI TAU PĀLOTA

I TE TAUHAGA NEI, E I EI TE PĀLOTA E HAKILI AI HE TALI A TAGATĀ NUKU KI HE FEHILI (REFERENDUM), E UIGA KI TE HIHITEMU PĀLOTA, MA E FAI FAKATAHI MA TE FAIGĀ PĀLOTA LAUTELE.

Kāfai koe e pālota, ka fōki atu au pepa pālota e lua;

1. Ko tau pepa pālota lanu moli mo te Faigā Palota Lautele – e pālota ai koe ki te pāti ma te tino o tō itūmālō e fofou koe ke fai ma ō hui i loto o te Palemene.

2. Ko tau pepa pālota lanu violē mo te Referendum – e fakaali ai tō lagona ki te hihitemu pālota e fakaaogā i te lumanaki, ke filifili ai nā hui ki loto o te Palemene. Ka tuku atu te fehili kia te koe:

- pe fofou koe ke fakaaogā pea te MMP pe fofou koe ke hui ki hētahi hihitemu pālota; ma
- pe ko tēfea o nā hihitemu pālota e fa, e fofou koe ke fakaaogā pe kāfai ia tagata o Niu Hila e fofou ke hui mai te MMP.

E FIA ILOA NI IĒTAHI FAKAMATALAGA? • Telefoni e hēai he todogi 0800 36 76 56 • www.elections.org.nz • www.ivotenz.org.nz

Fakailoa atu ki iētahi tino. Lea ki au uō ma nā tino o tō kāiga ki te faigōfie o te lehitala ma te faiga o te pālota. Mo ni fakamatalaga ki te faiga o tau pālota ma te lehitala i hētahi gagana, ahiahi ki te www.elections.org.nz